

衆經撰雜譬喻卷上

群五

比丘道略

集

姚秦三藏法師鳩摩羅什譯

智者思惟財物不可久保譬如失火之家黠慧之人明識火勢火未至時急出財物舍雖燒盡財寶全在更修屋宅廣開利業智人植福勤修布施亦復如是知身危脆財物無常遇值福田及時布施亦如彼人火中出物後世受樂亦如彼人更修宅業福利自慰愚惑之人但知惜念忽忽營救狂惑失智不量火

勢猛風絕燄土石俱焦須臾之頃蕩然滅盡屋既不救財物喪失饑寒凍餓憂苦畢世慳惜之人亦復如是不知身命無常須臾巨保而便聚斂守護愛惜死來無期忽然殞逝形如土木財物俱棄亦如愚人憂苦失計明慧之人乃能覺悟知身如幻財不可保萬物無常惟福可恃將人出苦可得成道菩薩布施不惜身命如昔尸毗王以身施鵠天帝釋故往試之知有菩薩志不釋語毗首羯摩天汝作鵠身我當作鷹逐汝汝便佯怖

入王腋下俄眈首即自返身作鵒釋返身作
鷹急飛逐鵒鵒直入王腋下舉身戰怖是時
鷹住樹上語王言汝還我鵒此是我食非是
汝有王言我初發意欲救一切衆生欲令度
苦鷹言王度一切衆生我是一切衆生數何
以獨不見愍而奪我食耶王答言汝須何食
鷹言我作誓食新殺血肉菩薩言我作誓一
切衆生來歸我者一心救護令不遭難汝須
何食當相給與鷹言我所食者新殺血肉王
即念言此亦難得自非殺生則無由得云何

殺一與一思惟心定即呼人來持刀自割股
肉與鷹鷹語王言唯以肉與我當以道理令
肉與鵒輕重正等勿見欺也王言持秤來以
肉對鵒鵒身轉重王肉轉輕王令割二股肉
盡亦輕不足次割兩臑兩乳臂背舉身肉盡
鵒身猶重是時王舉身欲上乃與鵒等鷹語
王言大王此事難辦何用如此以鵒還我王
言鵒來歸我終不與汝我前後喪身不少初
不爲法而有愛惜今欲求佛便拔稱上心定
無悔諸天龍神一切人民皆共讚言爲一小

鵠酸毒乃爾是事希有地爲大動毗首讚善
大士眞實不虛始是一切衆生福田釋及毗
首還復天身即令王身還復如故求道如此
乃可得佛

昔有一人受使遠行獨宿空舍中夜有一鬼
擔死人來著其前後有一鬼逐來瞋罵前鬼
是死人是誰許汝何以擔來二鬼各捉一手
諍之前鬼言此有人可問是死人是誰擔來
是人思惟此二鬼力大若實語亦當死若妄
語亦當死二俱不免何爲妄語語言前鬼擔

來後鬼大瞋捉手拔出著地前鬼取死人一
臂補之即著如是兩腳頭脅皆被拔出以死
人身安之如故於是二鬼共食所易人身拭
口而去其人思惟我父母生我身眼見二鬼
食盡今我此身盡是他身肉我今定有身耶
詳五
爲無身耶若以有者盡是他身若無者今現
身如是思惟已其心迷悶譬如狂人明旦尋
路而去到前國者見有佛塔衆僧不可問餘
事但問已身爲有爲無諸比丘問汝是何人
答言亦不自知是人非人即爲衆僧廣說上

事諸比丘言此人自知無我易可得度而語之言汝身從本已來恒自無我非適今也但以四大合故計爲我身即度爲道斷諸煩惱即得羅漢道是爲能計無我虛得道不遠持戒之人無事不得破戒之人一切皆失譬如有人常供養天其人貧窮四方乞求供養經十二年求索富貴人心旣志天愍此人自現其身而問之曰汝求何等我求富貴欲令心之所願一切皆得天與一器名曰德瓶而語之言君所願者悉從此瓶出其人得以隨

意所欲無不得得如意已具作好舍象馬車乘七寶具足供給賓客事事無乏客問之言汝先貧窮今日云何得如此富答言我得天瓶天瓶中出此種種物故富如是客言出瓶見視其所出物即爲出瓶瓶中引出種種諸物其人驕逸捉瓶起舞執之不固失手破瓶一切諸物俱時滅去持戒之人種種妙好樂無願不得若人毀戒驕逸自恣亦如彼人破瓶失物是以欲天樂及涅槃樂當堅持禁戒莫破所受戒若破所受戒永墜三塗受苦乃

無復出期夫人欲求報應當當修習善心相續不絕若命終時能却諸惡受善果報所以然者若不先習善心設命終時欲令心善卒不從意譬如西方有一國王素無馬減損國藏四出推求買得五百匹馬以防外敵足以安國養馬既久國中無事王便思惟五百匹馬食用不少飼養煩勞無益國事便勅所典掩眼令磨可得自食不損國藏馬磨既久習於旋迴忽然隣國興兵入境王便約勅被馬具莊勇將乘騎如戰鬪法鞭馬向陣欲直前

入諸馬得鞭盡旋迴走無向敵意隣賊見之知無所能即便直前大破王軍以是故知欲求善果報臨命終時心馬不亂則得隨意往不可不先調直心馬若不先調直心馬者死賊卒至心馬盤迴終不如意猶如王馬不能破賊保全其國是以行人善心不可不常在於宵心

貧窮之人割輟身口持用布施其福無量譬如往昔國王設會諸佛及僧種種供養時有一貧窮老母都無所有常仰乞索以自活命

聞王請佛設會心生歡喜意欲勸助自惟無物正有少豆欲勸助而門人不聽前於是佛見其善心即以神力令此大豆遍墮衆食器之中王見此豆即瞋廚兵何以使食中有此豆耶佛語王言非廚兵過也五乃是外貧窮老母所施聞王設會無以勸助持此少豆勸助於王是以食中有此豆耳佛語大王此老母所施雖微得福良多於大王王言何得多種種餽饌供養而得福少此老母以少許物布施返得福多佛語王言王雖種種供養盡出

百姓於王無損此老母貧窮正有少許豆盡持勸助是故得多王得福少佛爲王種種說法王及老母皆得道跡是以修福種德惟在至心達解法相何憂不果

昔有一婆羅門居家貧窮正有一牯牛犢乳日得一斗以自供活聞說十五日飯諸衆僧沙門得大福德便止不復犢牛停至一月并取望得三斛持用供養諸沙門至滿月便大請諸沙門至舍皆坐時婆羅門即入犢牛乳正得一斗雖久不犢乳而不多諸人呵罵言

汝癡人云何日日不聲乃至一月也而望得多今世人亦如有財物時不能隨多少布施停積又後須多乃作無常水火及以身命須臾難保若當不遇一朝蕩盡虛無所獲財物危身猶如毒蛇無得貪著譬如昔日佛遊波斯匿王國中見地有伏藏滿中寶物佛語阿難汝見是毒蛇不阿難言已見時有人隨佛後行聞此語試往看之見有好寶嫌佛此語謂爲虛綺此實是寶而言爲毒蛇其人即時私將家人大小取此寶物其家大富有人

向王言之此人隨得寶藏而不輸官王即收繫責其寶物即時輸盡王故不信更多方拷治之痛毒備至而復不首王大怒欲誅其七世載出欲殺王遣人微伺爲何道說即言佛語至誠實是毒蛇而我不信今爲毒蛇所由知第五當何云若爲毒蛇所殺正可及身而今乃及七世實如所語使者具上事向王陳說王聞此語即喚令還語其人言佛是大功德人而汝能憶佛往語王大歡喜還其寶物放之令去緣念佛語故得免死難是以佛語不可

不志心念之

持戒之人寧失身命不違佛教譬如往日有賈客乘船入海時有二人欲至他國傍載至於中流值遇惡風吹破船舫諸賈客取所依用以自濟時下座道人得一板木上座語言佛說法恭敬上座汝與我板來不畏犯戒也下座道人聞是語已便自思惟何者爲重護戒爲重思惟是已我寧當慎護佛教而死即以板木獻上座下座便沒海水中水神見道人持戒如是不違佛教將是道人至於岸上

因此道人至誠持戒故一船賈客皆得不死水神讚道人言汝真是持戒之人也以是證故寧持戒而死不犯戒而生是以戒德可恃怙能濟生死苦

一切衆生貪著世樂不慮無常不以大患爲

譬五

苦譬如昔有一人遭事應死繫在牢獄恐死而逃走國法若有死囚踰獄走者即放狂象令蹈殺於是放狂象令逐此罪囚囚見象欲至走入墟井中下有一大毒蛇張口向上復四毒蛇在井四邊有一草根此囚怖畏一心

急捉此草根復有兩白鼠啗此草根時井上
有一大樹樹中有蜜一日之中有一滴蜜墮
此人口中其人得此一滴但憶此蜜不復憶
種種衆苦便不復欲出此井是故聖人借以
爲喻獄者三界囚衆生狂象者無常井衆生
宅也下毒龍者地獄也四毒蛇者四大也草
根者人命根也白鼠者日月也日月尅食人
命日日損減無有暫住然衆生貪著世樂不
思大患是故行者當觀無常以離衆苦
昔有慳貪長者佛欲度之先遣舍利弗爲說

布施之福種種功德長者慳貪都無施意見
日欲中語舍利弗汝何不去我無食與汝舍
利弗知不可化即還佛所佛復遣目連神足
返化而爲說法長者復言汝欲得我物故作
此幻術目連知其不可化即還佛所於是佛
必破其慳貪自造其家長者見佛自來爲作
禮將佛入坐佛方便種種說法語長者言汝
能行五大施不長者白佛我小施猶尚不能
況復大施長者白佛云何五大施佛言五大
施者不得殺生汝能作不長者思惟不殺生

者乃不用我財物又無所損即白佛言我能以是次第爲說乃至不飲酒皆言能作於是佛即爲長者種種說法五戒義若能持此五戒便爲作五大施竟即大歡喜欲以一張不好艷施佛即入庫求無不好者便以一張而奉施佛庫中餘艷盡相隨來至於佛前佛知長者施心不定語長者言天帝釋與阿修羅共鬪心不定故三返不如後以定心故大破阿修羅軍長者聞已知佛大聖深知人意信心清淨佛爲說法即得須陀洹道明日魔知

其心即化作佛欲來壞之而至其家長者以未得他心智故不知是魔歡喜迎之善來將入座魔佛語長者言我昨日所說者盡非是佛語汝速捨之長者聞此語已甚大怪之形雖是佛而所說者非如師子皮被驢雖形似獅子而心是驢長者不信魔知其心正還復其身言我故來試汝而汝心不可轉是故經言見諦之人尚不信佛語何況餘道以深察理故是故佛弟子要解深理魔說佛說悉皆能知是故義不可不學施不可不修

行者求道不得貪著好美色若貪破人功德之本譬如昔有一阿羅漢常入龍宮食爲龍說法食已出於龍宮持鉢授與沙彌令洗鉢中殘數粒飯沙彌噉之大香甚美便作方便入師繩牀下兩手提繩牀脚至時與繩牀俱入龍宮龍曰此未得道何以將來師言不覺不知沙彌得飯食又見龍女身體端正香妙無比心大貪著即作誓願我當奪此龍處居其宮龍言後更莫復將此沙彌來沙彌還已一心布施持戒專求所願早作龍身是時遶

詳五

九

寺足下水出自知必得作龍徑至師本所入處大池水邊以袈裟覆頭而入水中即死這爲大龍福德大故即殺彼王舉池盡赤未爾之前諸師衆僧皆呵罵之沙彌言我心已定諸相已出將諸衆僧就池見之以是因緣故不當貪著好香美色喪失善根見墮惡道昔有天人食福欲盡七證自知一者頭上華萎二者頸中光滅三者形身損瘦四者腋下汗出五者蠅來著身六者塵土塗衣七者自然去離本座自知福盡下生世間貧窮家與

疥癩母猪作子愁憂不樂更有一天人來問
汝何以不樂答曰吾壽將終下生爲疥癩母
猪作子是故愁耳彼天曰釋迦文佛在忉利
天宮爲母說法當往歸依及比丘僧可得免
苦便往詣佛所志心歸命七日之後壽盡來
生世間大長者家母妊娠後恒聞三歸聲至
十月滿乃生墮地長跪叉手歸命佛法僧其
母驚謂是不祥便欲殺之思惟言長者之子
不可便爾罪我不少即往白長者具說此意
長者言人生居世不知歸命三尊而生此兒

纔生已知三尊將是神人好養之勿怪也此
兒之福才聰特異父母愛重至年五歲與同
輩道邊戲時舍利弗目連過前爲作禮舍利
弗曰未見小兒作禮如此兒白道人不相識
耶舍利弗即入定觀其本相乃知是彼天人
便長跪詣舍利弗目連願尊爲請佛及僧明
日造鄙舍食即便許之兒歸白父母言向請
舍利弗目連願世尊明日屈意飯食父母歡
喜即爲竭財上饌食具明日佛將諸大衆往
到其家兒及父母迎佛作禮佛即就座行水

釋五

十

下食須臾已訖佛爲說法父母及見皆得無所從來法忍百千天人發無上正真道意經言能竭慈可謂如此矣

昔有放牛人在大澤中見有金色華光明善好自即生念佛去此不遠當取供養即採華數斛重擔而去未至道中爲牛所舐殺心存佛故即生第二忉利天上所受宮殿廣博嚴好宮出四邊陸生金色華光明徹照諸天之法適生天上先觀宿命却食天福時彼天人自觀宿命具見採華爲牛所殺歡喜歎曰佛

無量福祚未及設供報已巍巍況恒修德者便復取其宮邊華并持種種餘供養具欲遵本願諸天見其取華皆往問之汝方來受福當五欲自樂而採華爲天子報言吾爲人時欲詣佛以華供養竟不果願尚得來生此況得作者今所以取華欲遵本願增將來福爾十一時諸天皆生善心有八萬四千天子俱共來下作天伎樂天花天香種種供養諸塔寺中未見佛復有上座得道比丘而爲說法諸天聞法心甚歡喜增諸功德遂得見佛鼓樂絃

歌散衆名華種種供養佛及衆僧佛爲說清淨妙法其人及八萬四千諸天皆得法眼淨此天子之與八萬諸天皆昔日善知識今相發起一時得道

昔有外國有一大長者大富惟有一子愛重無比後日得病大困治之不瘥遂到無常臨命終時一心念佛佛現形其前心安意定便得生天父母念子愁惱便欲自殺不能自解因以火燒取其骨著銀瓶中至月十五日便施百味飲食持著其前舉聲悲哭宛轉卧地

天子在上見其所爲自念我不現化意終不解卽下作小兒年八九歲在道邊放牛牛卒死卧地小兒便行取草著死牛口舉以杖打牛呼言起食父母大小見小兒所爲便共笑之前問言卿誰家子何癡乃爾牛今已死舉草着口寧有食期而及笑言我牛今雖死頭口故在舉草不食況君兒死來已久矣加火燒之唯少焦骨在地以百味食著前而加啼哭寧得食之不也其父意卽開解問兒卿是何人兒言我是長者兒今蒙佛恩得生天上

見父母悲惱太甚故來相化耳父意解大歡喜無復愁憂天子忽爾不現父母歸家即大布施奉持禁戒讀經行道得須陀洹果

昔無數世時有一佛圖中有沙門數千餘人止住其中遣諸沙彌數百人行分衛供給衆

群五

十二

僧日輸米一斛師便兼課一偈有一沙彌時過市中行且誦經時肆上有賢者見沙彌行誦禮而問曰道人行何所說答曰分衛給僧兼誦一偈賢者又問若無事可誦幾偈答曰可得十餘偈又問分衛幾日曰九十日當輸

九十斛米賢者謂誦道人但還安意誦經我當相代出米沙彌大喜賢者與米九十斛還報師已便閑讀經經三月通千四百偈啓師誦經已訖要當詣檀越家試之師即聽詣賢者所報曰蒙君重惠得安誦經今經已止故來說之沙彌誦文句流利無有躓礙賢者歡喜稽首爲禮願我來世聰睿博達多聞不忘因此福願世世所生明識強記及到佛出世現爲弟子名曰阿難常侍世尊特獨辯通博聞第一師日時賢者今阿難是夫勸助學者

志求願功德不虛緣是福報隨願而得如是也須彌山南有一大樹高四千里諸鉢叉鳥栖宿其上樹常不動有小鳥形類鶉鷄住止其上樹即振搖鉢叉鳥語樹神言無知我身將重而初不動小鳥未宿反更振動樹神言此鳥雖小從大海底來純食金剛金剛爲物所墮之處無不破壞所以大怖不能自安經以爲喻若有凡人解深經一句口誦心念身中三毒四魔八萬垢門皆不能自安何況博採衆法爲世橋梁者也

佛語目連汝對欲至目連言我有神力超蹈須彌山對若東來我便向西若北來我當趣南那得我耶佛語目連罪福自然不可得避遠飛不息乃墮山中時有車輻老公目連正墮其前形狀似鬼老公謂是惡物舉車輻打之即折其身目連被痛甚羞懊惱盡忘本識佛哀念之授其威神爾乃得自思惟還復本形是碾車輻老公目連前世時父目連與父諍目連意中念言搗殺此公骨折快也是以得此罪殃慎莫作不孝之罪是以人生處世

不可不慎心口而孝養父母也

昔有沙門行草間有大蛇言和尚道人道人驚左右視之蛇言道人莫恐莫怖願爲我說經令我脫此罪身蛇曰道人聞有阿耆達王不答曰聞蛇曰我是也道人言阿耆達王立佛塔寺供養功德巍巍當生天上何緣乃爾也蛇言我臨命終時邊人持扇墮我面上令我瞋恚受是蛇身道人即爲說經一心樂聽不食七日命過生天却後數月持花散佛衆人怪之在虛空曰我阿耆達王蒙道人恩聞

法得生天上今來奉花報佛恩耳是以臨命之人傍側侍衛者不可不護病者心也

外國有一人治生得金銀數千斤意其重之欲藏著地中恐螻蛄蟲鼠而侵盜之欲藏著草澤中復恐狐狸野獸取之復不信家室中外兄弟妻子詳五便著懷中出入行來恒恐失之時長齋之月四輩弟子盡詣塔寺燒香散花此人觀視具見如是復見塔寺前有一大鉢四輩弟子繞塔持金銀錢物投之鉢中其人問曰何以投寶著此鉢中耶道人答曰此名

永樂北藏

衆經撰雜譬喻經

第一三一冊

布施二名牢固藏三名不知腐朽其人思惟
眞實如是人言稱吾所求便持金銀盡投鉢
中道人爲呪願又說牢固者水不能沒火不
能燒盜賊怨家不能侵害投之寶藏不知腐
壞當來獲報百千萬倍故名布施其人意解
歡喜無量即於塔前得須陀洹道是以志心
作福功不唐捐自致得道

昔崔離寺有一長老比丘得阿羅漢道將一
沙彌時復來下入城遊觀衣鉢大重令沙彌
擔隨其後沙彌於道中便作是念人生世間

無不受苦欲免此苦當與何等道作是思惟
佛常讚歎菩薩爲勝我今當發菩薩心適作
是念其師即以它心智通照其所念語沙彌
言持衣鉢來沙彌便持衣鉢授與其師師語
沙彌汝在前行沙彌適在前行復作是念菩
薩之道甚大勤苦求頭與頭求眼與眼此事
極難非我所辦不如早取羅漢疾得離苦師
復知其所念語沙彌言汝擔衣鉢還隨我後
如是三返沙彌怪愕不知何意前至所止處
叉手白師請問其意師答曰汝於菩薩道三

進故我亦三返推汝在前汝心三退故推汝
在後所以爾者發菩薩心其功德勝滿三千
世界成阿羅漢者不可爲喻也

昔迦葉佛時有兄弟二人出家俱爲沙門兄
好持戒坐禪一心求道而不好布施弟好布
施修福而喜破戒釋迦出世其兄值佛出家
修道即得阿羅漢而獨薄福常患衣食不充
與諸伴等遊行乞食常獨不飽而還其弟生
象中爲象多力能却怨敵爲國王所愛以好
金銀珍寶瓔珞其身封數百戶邑供給此象

隨其所須兄比丘者值世大儉遊行乞食七
日不得末後得少麤食殆得存命先知此象
是前世兄弟便往詣象前手捉象耳而語之
言我與汝俱有罪耶象便思惟比丘語即得
自識宿命見前世因緣象便愁憂不復飲食
象子怖懼往白王言象不復飲食不知何意
王問象子先無人犯象不象子答王言無他
異人惟見一沙門來至象邊須臾便去耳王
即遣人四出覓此沙門有人於林中樹間得
便便攝此沙門將詣王前王問沙門言至我

象邊何所道說沙門答王言無所多說我直語象言我與汝俱有罪耳時沙門便向王具說前世因緣事王意便悟即放此沙門令還所止是以修福之家戒施兼行莫偏執而功德不備也

碎五

十六

昔有一比丘被擯懊惱悲嘆啼泣而行道逢一鬼此鬼犯法亦爲毗沙門天王所擯時鬼問比丘言汝有何事啼泣而行比丘答言犯僧事衆僧所擯一切檀越供養失盡又惡名聲流布遠近是故愁歎啼泣耳鬼語比丘言

我能令汝滅惡名聲大得供養汝便可立我左肩上我當擔汝虛空中行人但見汝而不見我身汝若大得供養當先與我彼鬼即時擔比丘於先被擯聚落上虛空中行時聚落人見皆驚怪謂其得道轉相謂言衆僧無狀枉擯得道人時聚落人皆詣此寺訶責衆僧即送此比丘住於寺內遂大得供養此比丘隨所得衣食諸物輒先與鬼不違本要此鬼異日復擔此比丘遊行空中正值毗沙門天王官屬鬼見伺官甚大驚怖擲棄比丘絕力

而走此比丘遂墮地而死身首碎爛此喻行者宜應自修所向無疑恃託豪勢一旦傾覆與彼無異也

昔日連與弟子俱從耆闍崛山下到王舍城乞食目連於道中仰視虛空悵然而歎其弟

群五

十七

子問何因緣歎目連答曰卿欲知者須還到佛所可便問也於是乞食訖還到佛所其弟子便問向所歎事目連答曰我見上虛空中有一餓鬼身極長大其狀醜惡有七枚熱鐵丸從口中入直下過既下過已還從口入舉

身燒然苦痛宛轉絕倒更起起復還倒是故歎耳非我獨見佛亦見之弟子問言以何因緣受苦如是目連答曰汝自以是問佛世尊其弟子即時白佛問其因緣時佛答言此餓鬼者前世曾為沙彌時世極儉以豆為食沙彌者為眾僧行食至其師前偏多七枚豆以是罪故受餓鬼身苦毒如是佛言我亦常見所以不說恐人不信得極重罪也此喻世間少豆偏為師故而不自入其罪猶爾況當佛說般若而不生信返更誹謗其罪重於五逆

受地獄苦極重不可稱數也

昔有一居士其婦妊娠請佛到舍供養畢欲
令如來占其婦後生子欲知男女佛言後當
生男端正姝好及至長大當於人中受天上
樂後當得羅漢道居士聞之心疑不信後復
請六師供養畢復使占之居士語六師言前
使瞿曇沙門占之言後當生男實是男不六
師答言當生女彼六師等憎嫉佛法苟欲相
反還自思惟言若彼生男居士當棄我奉事
瞿曇便作說語語居士言汝婦當生男生男

之後方大凶禍家室親屬七世絕滅以不吉
故我先說言是女也居士聞之心大惶怖不
知所以彼六師等便語居士欲得吉利唯當
除去之六師便爲居士婦按腹欲令墮兒反
害其母居士婦遂便命終而兒不死宿命福
德故也居士便棄其婦昨五著死人處大積薪燒
之火炎既盛佛便將諸弟子往就觀之居士
婦身始破壞便見其兒在蓮華上坐端正姝
好顏貌如雪佛令耆域取此兒來耆域入火
抱兒來出還本居士居士遂便養育至年十

永樂北藏

衆經撰雜譬喻經

說法遂得道果此喻極多略記明真僞如是

衆經撰雜譬喻卷上

音釋

臍

睿

與晉耕同切

苦官也切

雨聲

牛古
乳候
也切
取

腋

切羊益

躋切之

日

明俞
達芮
也切

鴉
安鴉

鷓鴣 常倫切 也切

尺鴳音晏也

鳥鵲
名鳥

研

第一三册

永樂北藏

衆經撰雜譬喻經

第一三一冊

衆經撰雜譬喻卷下

群六

比丘道略

集

姚秦三藏法師鳩摩羅什譯

外國有一呪龍師澡罐盛水詣龍池邊一心讀呪此龍即時便見大火從池底起舉池皆然龍見火怖出頭望山復見大火燒諸山澤仰視山頭空無住處一切皆熱安身無地唯見澡罐中水可以避難便滅其大身作微小形入澡罐水中彼龍池者喻欲界也所望山澤喻色界也視山頂者喻無色界也呪龍師

者喻菩薩也澡罐水者喻泥洹也術者喻方便也大火燃者喻現無常也龍大身者喻憍慢也作小形者喻謙卑也言菩薩示現劫燒欲色同然無常大火恐怖衆生令除憍慢謙卑下下然後乃悉入涅槃也

昔捕鳥師張羅網於澤上以鳥所食物著其中衆鳥命侶競來食之鳥師引網衆鳥盡墮網中時有一鳥大而多力身舉此網與衆俱飛而去鳥師見影隨而逐之有人謂鳥師曰鳥飛虛空而汝步逐何其愚哉鳥師答曰不

永樂北藏

衆經撰雜譬喻經

第一三一冊

如來告彼鳥日暮要求栖宿進趣不同如是當墮其人故逐不止日已轉暮仰觀衆鳥翻飛諍競或欲趣東或欲趣西或望長林或欲赴澗諍競不止須臾便墮鳥師還得次而殺之捕鳥師者如波旬也張羅網者如結使也負網而飛如人未離結使欲求出要也日暮而止如人懈怠心不復進也求棲不同者如起六十二見互相反也鳥墮地者如人受邪報落地獄也此明結使塵垢其魔網也是以結使覆人猶如羅網在二塗中好當善護身

口莫令放逸在此網中也三惡道苦生死長遠不可堪處

昔有賈客五百乘船入海欲求珍寶值摩竭大魚出頭張口欲食衆生時日風利而船去如箭商主語衆人言船去大疾可捨帆下沉詳六之輒如所言捨帆下沉二船去輒疾而不可止商主問船上人言汝見何等答曰我見上有兩日出日下有白山中間有黑山商主驚言此是大魚當柰何哉我與汝等今遭困厄入此魚腹無復活理汝等各隨所事一心求救

於是衆人各隨所事一心歸命求脫此厄所求愈篤船去愈疾須臾不止當入魚口於是商主告諸人言我有大神號名爲佛汝等各捨所舉一心稱之時五百人俱發大聲稱南無佛魚聞佛名自思惟言今日世間乃復有佛我當何忍復害衆生適思惟已即便閉口水即倒流轉遠魚口五百賈人一時脫難此魚前身曾爲道人以微罪故受此魚形旣聞佛聲尋憶宿命是故思惟善心即生此明五百賈人但一心念佛暫稱名號即得解脫彌

天之難況復受持念佛三昧令重罪得薄薄者令滅足以爲驗也

昔有屠兒詣阿闍世王所乞求一願王曰汝求何願答曰節會之際宜須屠殺王見賜我當盡爲之王曰屠殺之事人所不樂汝何故樂求之答曰我昔爲貧人因屠羊之肆以自生活由是之故得生四天王上盡彼天壽來生人中續復屠羊命終之後生第二天上如是六反屠羊因是事故遍生六天中受福無量以是故今從王乞一願王曰設如汝語何

詳六

三

以知之答曰我識宿命王聞不信謂是妄語
如此下賤之人何能識宿命耶後便問佛佛
答曰實如其言非妄語也此人先世曾值辟
支佛見佛歡喜至心諦觀仰視其首俯察其
足善心即生緣是功德故得生六天人間六
返自識宿命以福熟故得人天六返罪未熟
故未得受苦畢此身方當入地獄受屠羊之
罪地獄罪畢當生羊中一一償之此人識宿
命淺唯見六天中事不及過去第七身故便
謂屠羊即是生天因也如是但識宿命非通

非明也是以修功德者必發願勿便孟浪使
果報不明此可爲驗矣

阿難白佛佛生王家坐於樹下念道六年得
佛如是爲易得耳佛告阿難昔有長者居甚
大富衆寶備具佳無赤真珠以爲不足便將
人入海採珠經歷險阻乃到寶處刺身出血
油囊裹之懸著海底珠蛤聞血香啖食之乃
得出蚌剖蚌出珠採之三年方得一珮發還
到海邊同伴見其得好寶欲共圖之俱行取
水衆人推著井中覆之而去墮在井底久其

人見有師子從傍穴來飲水其人復惶怖師
子去後尋孔而出還到本土其伴歸到家呼
曰卿得吾一珮無人知兼欲見害卿可密盡
相還吾終不言卿也其人怖懔盡還其珠珠
主得已持還家有兩兒著珠共戲共相問曰
此珠出生何處群六一兒曰生我囊中一兒曰生
室甕中父見笑之婦曰何笑答曰吾取此珠
勤苦乃爾小兒依我得之不識本末謂生甕
中佛告阿難汝但見我成佛不知我從無數
劫學之勤苦至今乃得謂之爲易如彼嬰兒

謂珠生囊中矣是以修諸萬行積功累劫非
但一事一行一身而可得也

昔有導師入海採寶時有五百人追之共行
導師謂曰海中有五難一者激流二者洄波
三者大魚四者女鬼五者醉菓能度此難乃
可共行衆人要訖乘風入海到寶渚各行採
寶一人不勝菓香食之一醉七日衆人寶足
颿風已到欲嚴還出鳴鼓集人一人不滿四
布求之見卧樹下醉未曾醒共扶來還折樹
枝拄之共歸還國家門聞喜悉來迎逆醉者

永樂北藏

衆經撰雜譬喻經

第一三一冊

見無所得獨甚愁感醉人不樂拄杖入市市人求價乃至二萬兩金其人與之問杖有何德曰此爲樹寶搗燒此杖熏諸瓦石悉成珍寶其人反求之少許持歸試驗果如其言所可熏蒸悉成衆寶喻曰導師者謂菩薩也辯六五難者謂五陰也寶渚者謂般若七財也醉者從心懈廢也折取寶樹枝者謂自修勵更興精進熏瓦石成寶者謂以經道熏諸惡行悉成法器也昔山中有兩沙門閑居行道得六通去之不

遠有一師子生二子稍稍長大師子母欲行心念惟道德二慈可以委命即語欲行來二子尚小恐人傷害欲寄道人惟蒙慈護自當來視道人許之師子行還見子附道人復捨而行道人分衛還餘食共食之每見道人還喜行迎道人後行獵師遇之師子子迸走入草獵師依憑道人便著室中袈裟入草擒之師子謂是道人即出赴之獵師打殺剥皮取作師子皮裘直金千兩道人行還不見師子坐禪觀之知爲獵師所殺即以神力奪皮來

還作禪坐上口爲呪願復禪觀之知當往生國中長者家作雙生子道人往詣其家問長者何所乏曰惟患無子便報爲長者求子長者大喜道人言若得子何以相報曰子長大當施爲沙彌道人曰勿忘此要唯覺有娠後果雙生二男相似如一年八九歲道人過二兒見自然歡喜道人謂長者曰識本誓不長者不敢違誓便以二子施沙門沙門將入山學未久亦得阿羅漢亦恒自坐故皮上日入禪自觀便見已前身皮各起禮謝師恩力

乃令我等得道皆是慈念之力禽獸善心猶尚解脫何況志情發於善願而不解脫也昔有屠兒欲供養道人以其惡故而無往者後見一新學沙門威儀詳序請歸飯食種種餽食訖還請此道人願終身在我家食道人即便受之無大玩習既久切見在其前殺生不敢呵之積有年歲後屠兒父死作河中鬼以刀割身即復還復道人渡河鬼捉船曰沒此道人著河中乃可得去船人怖曰鬼言吾家昔日供養此道人積年不呵我殺生今受此

永樂北藏

衆經撰雜譬喻經

第一三一册

殃患故欲殺耳船人曰殺生尚受此殃況乎
道人鬼曰我知爾患故耳若能爲我布施作
福呼名咒願我便相放船人盡許爲作福鬼
便放之道人即爲鬼作會呼名咒願餘人次
復爲作會詣河中呼鬼曰卿得福未鬼曰即
得無復苦痛船人曰明日當爲卿作福得自
來不鬼曰得耳鬼旦化作婆羅門像來手自
供養自受咒願上座爲說經鬼即得須陀洹
道歡喜而去是以主客之宜理有諫正雖墮
惡道故有善緣可謂善知識者是大因緣也

昔有賈客入海採寶逢大龍神舉船欲翻諸
人恐怖龍曰汝等頗遊行彼國不報言曾行
過之龍與一大卵如五升瓶汝持此卵埋彼
國市中大樹下若不爾者後當殺汝其人許
之後過彼國埋卵著市中大樹下從是以後
國多災疾疫氣國王召道術占之云有蟒卵
在國中故今有災疫輒推掘燒之病悉除愈
賈客人後入海故見龍神重問事狀賈人曰
昔如神教埋卵市中國中多有疾疫王召梵
志占之推得焚燒病者悉除神曰恨不殺奴

輩船人問神何故乃爾也神曰卿曾聞某國有健兒某甲不日聞之已終亡矣神曰我也是我平存時喜陵擲國中人民初無教呵我者但獎我使我墮蟒蛇中悉欲盡殺之耳是以人當相諫從善相順莫自恃勢力陵擲於人坐招其患三惡道苦但可聞聲不可形處昔波羅柰國有五百盲人周行乞索值世饑儉無所得自共議曰佛在舍衛教人惠施當詣彼國可得濟命各曰當雇一人牽吾等到彼五百盲人各許一銀錢其人即許將到彼

國便爾進路受雇者語諸盲人曰此下道險卿等各以錢付我若逢寇賊我當藏之盲人盡以錢付之其人得錢便爾捨去諸盲人週遊數日飢渴不知道路即共同時歸命於佛言佛神聖當哀我等令免此厄佛即忽然現神在前手摩盲頭皆得眼明饑渴飽滿五百人歡喜踊躍願爲弟子鬚髮即落衣鉢法服佛重爲說法皆得應真飛隨佛還詣祇洹阿難白佛此五百人宿命有何罪福佛言昔過去世有長者雇五百人作先取作直各散捨

去然後歷世故受此厄是時長者今擔錢去者是也債解值吾開悟今皆得道罪福如是是以人之造業不同或是造業或是報業不可不慎也

昔有二人親親爲知識不相違失後一人犯罪罪應至死便亡釋六走過知識知識不開門逆問卿是何人答曰我是知識也有罪故來相過耳其人語曰緩時爲親親有急各自當去不前卿也知識大不樂自念曰人緩時出入行來飲食不相捨離云何有急便爾相棄耶

豈是厚乎便去欲入山復有一善知識往過之其人便開門藏之言卿與我雖踈當送卿著安隱處便以車載珍寶自往送到他國當與彼王諸長者所在相聞爲作官室安著田宅財寶供給與已捨還佛爾時見此人便引爲喻犯罪者喻人精神親友者喻四大身善知識者喻三歸五戒喻人將養四大飲食饌饌四事無乏無常對至當墮惡趣求其藏避須臾反閉門不前後遇善知識知識將至他國安著所須供給無乏喻布施持戒至身死

時福力所引送到天上七寶宮殿服天寶衣
天百味食自然至極樂無量是以人生世勿
貪自養當割減作福如養四大身豈有所益
知者應行之

佛般涅槃後百歲有國王事天神大祠祀用

釋六

九

牛羊猪豚犬雞各百頭皆付廚士殺牛羊廚
士中有一優婆塞言我持佛戒不得殺生廚
監大恚即白王言欲治之王問曰汝故欲違
我教耶當殺汝廚士答曰我是佛弟子受持
五戒寧自殺身不違佛教而便殺生若隨王

教犯殺者死入地獄巨億萬歲罪竟乃出常
當短命持戒不缺就王誅者死轉上天天上
得福所願自然今假令當死轉此生身當受
天上罪福之報相去殊遠我以是故死死不
犯耳王言與七日期當以象蹈殺汝若不死
者語乃有實七日之後士盡是優婆塞身作
佛身相如佛形以驗五百象往蹈之優婆塞
如佛法則舉手五指化爲五嶽山一山間有
一師子出象見師子惶怖悉皆伏地如佛在
時王爾乃信知有佛便罷祠祀從此人受佛

戒臣吏人民亦皆從受戒遂爲國師賢者持戒度人如此

昔佛在世時有一優婆夷朝夕詣佛供養盡虔未曾有懈佛知而問欲何志願也便白佛言若有福報願欲現世生四子佛便問何以索四子也優婆夷言若四子長大令一人主治生賈市積聚財寶令一人知田農畜養積聚六畜及穀令一人求官食祿覆蔭門戶欲令一人出家作沙門得道成就還度父母及一切人求四子者正爲此耳佛言令汝得所

願優婆夷大喜爲佛作禮而去後生一男聰明黠慧其母愛之世間無比子後長大便問母言慈愛何以太甚未有此比母語子言本願四子唯得汝一人併愛在汝許是以爾耳所欲之意悉向兒說兒聞母說深感母志便行治生未滿一年得巨億財次安田業畜收詳六蓋澤牛馬穀米甚無數次行學問仕進求官取婦生男門戶遂成豪富之家復啓言所以求四子各知一事今代爲之三事粗辦唯少一事得出家者甚善慈母曰四子之願得具

足矣。母心念言：本願四子各付一事，尚恐不辦。此兒所作過於本望，今得出家，必能成道。即聽出家。兒辭母，向佛所求作沙門，即得具足。精進不久，得阿羅漢道，還度父母及一切人，得福得道，無不歡喜。是以作福發願，但在此心志無往不得也。

昔有一老母，惟有一子，得病命終，載著塚間。停屍哀感，不能自勝。正有一子當以備老而捨我死，吾用活爲不能復歸，當併命一處，不食不飲，已四五日。佛知將五百比丘詣彼塚，

間老母遙見佛來，威神光奔，迷悟醉醒，前趣佛作禮。住佛告老母：何以塚間也？白言：世尊，唯有一子捨我終亡，愛之情重，欲共死一處。佛告老母：欲令子更活不也？母言：善。曰：欲得矣。佛言：索香火，吾當呪願更生。告老母求火，十一宜得不死家火。於是老母便行取火，見人輒問：汝家前後頗有死者不？答言：先祖以來皆死過去。所問之處，辭皆如是。經數十家，不敢取火，便還。佛所白言：世尊，遍行求火，無不死者。是以空還。佛告老母：天地開闢以來，無生

不終人之死亡後人生活亦復何喜毋獨何迷索隨子死也母意便解識無常理佛因爾廣爲說經法即得須陀洹道塚間觀者數千人發無上正真道意也

昔有一人兩婦大婦無兒小婦生一男端正可愛其壻甚喜大婦內心嫉之外佯愛念劇於親子兒年一歲許家中皆知大婦愛重之無復疑心大婦以針刺兒顙上令沒皮肉兒得病啼呼不復乳哺家中大小皆不知所以七日便死大婦亦復啼哭小婦摧念啼哭晝

夜不息不復飲食垂命後便知爲大婦所傷便欲報讎行詣塔寺問諸比丘大德欲求心中所願當修何功德諸比丘答言欲求所願者當受持八關齋所求如意即從比丘受八戒齋便去却後七日便死轉身來生大婦爲女端正大婦愛之年一歲死大婦端坐不食悲哽摧感劇於小婦如是七返或二年或三年或四五年或六七年後轉端正倍勝於前最後年十四已許人垂當出門即夜便卒死大婦啼哭憂惱不可復言不復飲食晝夜啼

哭垂淚而行停屍棺中不肯蓋之日日看視
死屍光顏益好勝於生時二十餘日有阿羅
漢見往欲度脫到其家從乞令婢持一鉢飯
與之不肯取語婢欲得見汝主人婢還報云
欲見大家答言我憂愁垂死何能出見沙門
汝爲持物乞與令去婢持物與沙門故不肯
去沙門言欲見主人婢如是數反沙門不去
婦愁憂無聊沙門正住不去亂人意不能耐
之便言呼來沙門前見婦顏色憔悴自掩面
目不復擲梳沙門言何爲乃爾婦言前後生

七女黠慧可愛便亡此女最大垂當出門便
復死亡令我憂愁沙門言擲梳頭拭面我當
語汝婦故哭不肯止沙門謂言汝家小婦今
爲所在本坐何等死婦聞此言意念此沙門
何因知之意中小差沙門語言汝梳頭逮我
當爲汝說之婦即歛頭訖沙門言小婦兒爲
何等死婦聞此語默然不答心中慚愧不敢
復言沙門言汝殺人子令其母愁憂懊惱死
故來爲汝作子前後七反是汝怨家欲以憂
毒殺汝汝試往視棺中死女知復好不婦往

視之便爾壞爛臭不可近問何故念之婦即
慚愧便藏埋之從沙門求哀欲得受戒沙門
言明日來詣寺中女死便作毒蛇知婦當行
受戒於道中待之欲嚙殺之婦行蛇遂遮前
不得前去日遂欲冥婦大怖懷心念言我欲
至沙門許受戒此蛇何以當我前使我不得
行沙門知之便往至婦所婦見沙門大喜便
前作禮沙門謂蛇曰汝後世更作他小婦
共相酷毒不可窮盡令現世間大婦一反殺
兒汝今懊惱已七返汝前後過惡皆可度此

婦今行受戒汝斷其道汝世世當入泥犁中
無有竟時今現蛇身何如此婦身蛇聞沙門
語乃自知宿命煩怨詰屈持頭著地不喘息
思沙門語沙門呪願言今汝二人宿命更相
懊惱罪過從此各畢於是世世莫復惡意相
向二俱懺訖蛇即命終便生人中於時聽沙
門語即心開意解歡喜得須陀洹道便隨沙
門去受戒作優婆夷是故罪業怨對如此不
可不慎之
昔舍衛國一旦雨血縱廣四十里王與群臣

甚大驚怪即召諸道術及知占候使推之知爲吉凶占者對曰舊記有云兩血之災應生人蟒毒害之物宜推國內彰別災禍王曰何以別之知占師曰是爲人毒難可別知試勅國中新生小兒皆送來以一空甕使兒唾口中有一兒唾甕即成火燄知此兒是人蟒議曰此不可著人間即徙置空隱無人之處國中有應死者可送與之蟒吐毒殺之如是前後被毒所殺七萬二千人有師子來出震吼之聲四十里內人物懾伏所流暴害莫能制

御於是王即募國中能却師子者與千金封一縣無有應者衆臣白王唯當有人蟒能却之即勅吏往呼人蟒遙見師子徑往住前毒氣吹師子即死融爛消索國致清寧後時人蟒年老得病命將欲終佛愍其罪重一墮惡道無有出期便告舍利弗汝往勸之使脫重殃舍利弗便往其家神足來入忽然住前人蟒隆怒念曰吾尚未沒爲人所易無所關白徑來住人前便放毒氣謂能爲害舍利弗以慈悲攘之光顏益好一毛不動三放毒氣而

無能害即知其尊意辭善念生便以慈心上
下七反觀舍利弗舍利弗便還精舍吸氣人
蟒命終當趣其日即天地大動極善能動天
地極惡亦能動時摩竭王即詣佛所稽首于
地問世尊曰人蟒命終當趣何道佛言今生
第一天上王聞佛語怪而更問佛言大罪之
人何得生天佛言以見舍利弗慈心七反上
下視之因是功德生第一天福盡當生第二
天上至七反以後當得辟支佛而般涅槃王
白佛言七萬二千人罪不復償耶佛言末後

作辟支佛時身當如紫磨金時當在道邊樹
下坐入定意時有大軍衆七萬餘人過見辟
支佛謂是金人即取斫破各分之定墮手中
視之是肉皆還聚置而去辟支佛因是般涅
槃今世之罪乃爾時薄償便畢佛告王遇善
知識者山積之罪可得消滅亦可得道佛說
是時王及大衆皆大歡喜禮佛而去
昔有沙門坐在樹下誦經鳥來在樹上聽經
專心聽經不左顧右視爲獵師所射殺鳥臨
死時其心不亂魂神即生天上自念生所從

詳六

十五

來根源便識一世宿命既生天已來下散華
在樹下沙門上天人語道人曰蒙道人誦經
恩福故得免此鳥身得爲天人道人聞鳥言
便得道跡須臾忽然不現天人還本所師曰
諸學道者臨欲壽終心不亂者所生不墮惡
道苦痛之處便識宿命自所更來故出經示
後生也

昔佛在世時去祇洹七里有一老公健飲酒
弟子阿難往諫喻今佛在此宜當往見老公
言我聞佛在此意欲往見佛佛善授人五戒

不得飲酒我不得飲酒如小兒不得乳便當
死我不堪是故不往也復行飲酒飲酒醉暮
便來歸道中脚撥掘株上便倒地如大山崩
舉身皆痛便自說言斯痛何快乎阿難常語
我當至佛所我不肯隨語今身痛不可言便
語家中大小言吾欲至佛所家中聞之皆驚
愕公初不肯至佛所今何緣欲往語已便往
在祇洹門外住時阿難見老公來歡喜白佛
言去祇洹七里老公已來在門外佛言老公
不能獨來五百白象勉來耳阿難白佛無五

永樂北藏

衆經撰雜譬喻經

第一三一冊

百象獨來耳佛語阿難五百白象在公身中
於是阿難呼公前爲佛作禮白佛言我久聞
佛在此愚癡所致不早奉觀願佛赦除我罪
也佛問老公積五百車薪著地欲燒之盡當
用幾車火能燒盡耶老公白佛不用多火用
如豆許火燒如彈指頃便盡佛復問公公著
衣來幾時公言我著衣來一歲佛復問公欲
浣此衣去垢當幾歲能淨公言得純灰汁一
斗浣須更便淨佛語公公之積罪如五百車
薪復如一歲衣之垢老公當從佛受持五戒

於是佛說數百言經豁然意解即得阿惟越
致

昔佛涅槃後百年有王名阿育大憍奢作殿
舍縱廣十里皆召諸小國畫師畫師至各隨
意畫作種種形像罽賓北有一小國最遠送
一畫師後到觀壁上屋表裏盡畫遍唯有門
頰邊五尺未畫復至仰觀視諸物不知復作
何物自念我始來時過一小城城邊有池池
有蓮華見有一女端正姝好有相可中天下
母思惟已便畫作城池蓮華及女像訖王至

殿未入便見此畫問誰畫此耶曰後來畫師
即問汝見形作也虛作也曰見而作非虛王
問汝爲如形像作也爲使好乎曰不使好如
其形耳乃相知此女中天下母便遣使者索
娉爲皇后使者受命逕往其國見女父母謂
辟六
言王索賢女爲皇后女父曰嫁當柰何便謂
十七
詣女夫家語王使我索此女道遠三年乃到
云卿已取王者至尊卿不宜惜也當時與王
此夫是優婆塞自思念人以財色危身若不
與者或能治人便以婦與使者去還到白王

王見大歡喜即拜爲皇后得好華便悲啼王
問何故啼后曰王赦我罪當說耳王曰爲說
后曰此正似我前夫香以故啼耳王恚曰汝
爲天下之母故復念貧賤汝是老嫗當應治
之旨遣使者往錄其故夫知爲香不若不香
者故當治之使者往問其家人家人曰此賢
者失婦已便報父母行作沙門得阿羅漢道
使者詣佛國中語言王欲見供養道人道人
曰我亦無所有復見我爲使白言王欲供養
道人道人隨使去到白王王見道人道人身

永樂北藏

衆經撰雜譬喻經

第一三一冊

香甚於蓮華王曰此人以香塗身但作熱湯浴之香又更甚復以繒其身其身香轉倍王乃信之問道入何緣得香乃爾願見告示道人語王吾前世時爲婆羅門行遙見人說經我又手歡喜一心稱讚菩薩兼以少香燒以供養故令得福遂至道果

昔有父子二人共居入山斫林泉水有黃金子便歸求父索分言我不用餘物物盡與父惟與我車牛一具米二斛荻斫各一枚父不聽之數諫不止父便與之言汝莫復來歸子

便入山掘泉水中金日日終不能得父便共相將往視之觀如是金仰視山頭邊有金若山影現水中便上山以大木幢墮金於地父語兒求之法當云何但掘水何時當得子不曉求金者唯人不持五戒但逐聽色聲人身豈復可還得也父者唯如點之求金者觀如本末時持佛五戒加行十善生天人身世世不失後得佛道果

昔天帝釋與第七梵天親善時梵天下至忉利天上共戲釋愁不樂梵天問釋何以不樂

辭六

十八

釋曰卿見我天上人轉希不下方人無復作善者皆入惡道中無復生上者天人下生人間轉復不還我故愁耳梵天語釋卿便死化作一師子極令威勢我當化作婆羅門共下到閻浮提教授天下使爲善爲善死皆生天便各隨所化下到一國師子在城門中言我欲得人噉國人見之無不惶怖叩頭求哀終不肯去化婆羅門語國人言此師子惡與罪人應死者三十人自當去也王便出獄囚應死者三十人與師子師子得人驅著前去到

深山中未敢之頃化天語諸人卿等能持五戒念十善道身口意相應者此師子便不噉人諸人言我等當死此何足言能持耳便從化人受戒師子便不噉師子言置令去雖爾我知汝心若不持佛五戒者我故當噉汝爾三十人還國國人見皆驚問曰卿那得還耶十九答曰有一人教我等受佛五戒師子便不復噉我故我得來歸耳師子復住城門中國人大惶怖皆從三十人受五戒師子便去復到一國如是周遍八萬諸國皆使爲善死者生

永樂北藏

衆經撰雜譬喻經

第一三一冊

天天上更大樂豐盛饒人菩薩方便度人如是自到作佛佛語阿難釋天化師子者我身是也梵天化作婆羅門者今迦葉是也爾時助我化度天下人使我得佛我故與並坐報爾時恩

昔迦葉佛時有王名拘旬尼爲佛建立精舍滿事之王第七女前事梵志後信事佛梵志惡之字爲僧婢王有十夢怪而問之梵志思夢欲陷此女語王言得最愛女梵燒祠天乃吉王甚不樂女問王曰何以不樂王說如是

女曰燒吉者我分當之間幾日當祠梵志言後七日女白王雖當死願聽詣佛所使城南人盡送我出便勅送之女將至佛所說法盡得見法日一方送城四方面人悉見諦復求在城中人送亦如是六日求王及宮中官屬送之佛爲說法悉皆見諦王乃知梵志欺詐語梵志汝幾誤殺我女汝不爲佛作沙門當出國去梵志不知所至不得已悉詣佛作沙門後得阿羅漢果

衆經撰雜譬喻卷下